

Na osnovu člana 10. stav (2) Zakona o budžetu institucija Bosne i Hercegovine i međunarodnih obaveza Bosne i Hercegovine za 2020. godinu („Službeni glasnik BiH“, broj 46/20) i člana 10. i 15. Odluke o kriterijima za dodjelu grant sredstava Ministarstva za ljudska prava i izbjeglice Bosne i Hercegovine za 2020. godinu koju je Vijeće ministara Bosne i Hercegovine usvojilo na 36. vanrednoj sjednici održanoj 18.11.2020. godine, Ministarstvo za ljudska prava i izbjeglice Bosne i Hercegovine objavljuje

JAVNI POZIV
za dodjelu Granta podrške jedinicama lokalne samouprave za implementaciju
Politike o saradnji sa iseljeništvom

1. Cilj i namjena Javnog poziva

Cilj dodjele grant sredstava je jačanje kapaciteta lokalnih zajednica u razvojnoj saradnji sa iseljeništvom, pružanje kvalitetnijih usluga iseljeništvu na lokalnom nivou, korištenje potencijala iseljeništva za lokalni razvoj, stimulisanje lokalnog ekonomskog razvoja, saradnja sa mladim generacijama u iseljeništvu, uz aktivan angažman iseljeništva u realizaciji projektnih aktivnosti.

Grant sredstva su namijenjena jačanju kapaciteta lokalnih zajednica u razvojnoj saradnji sa iseljeništvom, korištenju potencijala iseljeništva za lokalni razvoj, stimulisanju lokalnog ekonomskog razvoja, razvijanju saradnje sa mladim generacijama u iseljeništvu, uz aktivan angažman iseljeništva u realizaciji projektnih aktivnosti.

Grantom se mogu podržati projekti kojima se provode sljedeće aktivnosti:

- a) jačanje kapaciteta jedinica lokalne samouprave za saradnju sa iseljeništvom, unapređenje kanala komunikacije sa iseljeništvom, pružanje kvalitetnijih lokalnih usluga iseljeništvu, informisanje i ostvarivanje prava iseljeništva i slično;
- b) uspostavljanje novih i unapređenje postojećih informatičko-komunikacijskih i audio/video rješenja (hardver i softver) koji su direktno povezani s provedbom projektnih aktivnosti (npr. virtualni matičar, web stranica, baze podataka itd.);
- c) promocija lokalnih razvojnih potencijala uz učešće iseljeništva;
- d) aktivnosti koje će doprinijeti razvoju iseljeničkog turizma (turizma dijaspore) u lokalnim zajednicama, što može uključiti posebne turističke programe koji bi privukli veći broj posjeta iseljeništva, promociju turističkih potencijala lokalnih zajednica u iseljeništvu naročito nacionalnih parkova, istorijskih lokacija, spomenika kulture, prirodnih resursa za planinarenje, rafting i sportsko rekreacijski turizam, kao i promociju autohtonih domaćih proizvoda, unapređenje turističke infrastrukture, promociju BiH turizma u inostranstvu putem iseljeništva i slično;
- e) razvijanje intenzivnije saradnje sa mladim generacijama u iseljeništvu i njihovog vezivanja za mjesto porijekla (učenje maternjih jezika, edukacijski turizam mladih u cilju upoznavanja zemlje porijekla, studentske prakse mladih, volontiranje i slično);
- f) prijenos znanja i novih tehnologija od strane iseljeništva u svrhu ekonomskog razvoja i razvoja ljudskog kapitala;
- g) u okviru projektnih aktivnosti, izrada i distribucija promotivnih materijala i druge aktivnosti na promociji projekta odobrenog iz grant sredstava, koje ne mogu iznositi više od 10% projektom planiranih finansijskih sredstava;
- h) aktivnosti manjeg obima na rekonstrukciji/izgradnji javne infrastrukture ili objekata;
- i) međuopćinsko/regionalno umrežavanje i saradnja.

Sve projektne aktivnosti finansirane Grantom moraju biti provedene na teritoriju Bosne i Hercegovine.

2. Korisnici Granta

Pravo na podnošenje projektnih prijedloga za dodjelu grant sredstava imaju isključivo jedinice lokalne samouprave u Bosni i Hercegovini, uključujući i Brčko distrikt Bosne i Hercegovine, kao i više jedinica lokalne samouprave zajedničkim projektom (međupćinska ili regionalna saradnja).

Podnosioci prijave, prilikom podnošenja projektnog prijedloga, mogu:

- a) učestvovati vlastitim sredstvima;
 - b) vlastita sredstva udružiti sa partnerima;
- i ista moraju biti prikazana u projektnom prijedlogu.

Ukoliko postoje partneri u projektu, svi podnosioci prijave su dužni navesti partnere u projektu (JLS/organizacije iseljništva i/ili pojedinci u iseljništvu) i priložiti Izjavu o partnerstvu (Obrazac VII).

3. Vrijednost pojedinačnih projekata i sufinansiranje

Grant podrške jedinicama lokalne samouprave za implementaciju Politike o saradnji sa iseljništvom u iznosu od 100.000,00 KM osiguran je tekućim grantom u okviru budžeta Ministarstva za ljudska prava i izbjeglice Bosne i Hercegovine.

Da bi projektni prijedlog mogao biti uzet u razmatranje, isti mora biti u skladu sa finansijskim kriterijima:

- iznos sredstava koji se može dodijeliti po jednom projektnom prijedlogu je do 10.000,00 KM;
- ukoliko se radi o zajedničkim projektima više jedinica lokalne samouprave iznos sredstava koji se može dodijeliti po jednom projektnom prijedlogu je do 20.000,00 KM.

4. Trajanje projekata

Krajnji rok za implementaciju svih projektnih aktivnosti je 12 mjeseci od dodjele grant sredstava.

5. Opći uslovi

Prijava projektnog prijedloga mora ispunjavati sljedeće opće uslove:

- a) prijava mora biti dostavljena u roku propisanom u javnom pozivu;
- b) prijava mora biti dostavljena na propisanim obrascima;
- c) svi obrasci moraju biti potpisani i ovjereni;
- d) prijava mora sadržavati svu obaveznu dokumentaciju;

Prijave koje ne ispunjavaju opće uslove će biti odbačene.

6. Osnovni kriteriji

Osnovni kriteriji za vrednovanje projektnih prijedloga su sljedeći:

- a) projektni prijedlog mora odgovarati namjeni i ciljevima granta;
- b) projekat mora biti okončan u roku do 12 mjeseci od dodjele grant sredstava;
- c) projekat ne smije sadržavati neprihvatljive troškove u koje spadaju:
 - 1) Dugovanja i rezerve za gubitke ili dugovanja;
 - 2) Dugovanja po kamati;
 - 3) Stavke već finansirane u sklopu nekog drugog projekta;
 - 4) Kupovina i iznajmljivanje zemljišta i postojećih zgrada;
 - 5) Troškovi režija (voda, struja, grijanje, internet i sl);
 - 6) Troškovi lizinga;
 - 7) Porezi i carinski troškovi;
 - 8) Kupovina korištene opreme;
 - 9) Troškovi jamstava i slični izdaci;
 - 10) Kreditiranje trećih osoba i sl;

- 11) Studijske posjete, uz izuzetak da se mogu finansirati iz vlastitih sredstava;
- 12) Kupovina vozila.

Prijave koje ne ispunjavaju osnovne kriterije će biti odbijene.

Jedan podnosilac projektnog prijedloga se može prijaviti samo sa jednim projektnim prijedlogom.

7. Potrebna dokumentacija za prijavu

Podnosilac projektnog prijedloga za dodjelu grant sredstava je dužan dostaviti sljedeću obaveznu dokumentaciju i obrasce, kako slijedi:

- a) Obrazac projektnog prijedloga - Obrazac I;
- b) Plan aktivnosti - Obrazac II;
- c) Budžet projekta - Obrazac III;
- d) Logički okvir - Obrazac IV;
- e) Podaci o podnosiocu projektnog prijedloga - Obrazac V;
- f) Statut ili Odluku o osnivanju (ovjerena kopija);
- g) Uvjerenje o poreskoj registraciji (ovjerena kopija);
- h) Ugovor s bankom o otvaranju transakcijskog računa (ovjerena kopija);
- i) Potvrda poslovne banke da je transakcioni račun aktivan (ne starija od dana objavljivanja javnog poziva);
- j) Izjava o partnerstvu (ako postoji partnerstvo između podnosioca projektnog prijedloga i drugih subjekata) – Obrazac VII .

Svi Obrasci moraju biti popunjeni, potpisani i ovjereni od strane odgovorne osobe podnosioca projektnog prijedloga.

8. Način podnošenja prijave

Sve prijave moraju biti dostavljene na jednom od službenih jezika u BiH, blagovremeno i na propisanim obrascima, uključujući sve obavezne dokumente i priloge. Obrasci prijave nalaze se na web stranici Ministarstva: www.mhrr.gov.ba

Prijave se podnose lično ili putem pošte, u zatvorenoj koverti na adresu:

Ministarstvo za ljudska prava i izbjeglice BiH, Trg Bosne i Hercegovine broj 3. 71 000 Sarajevo
sa naznakom:

NE OTVARAJ

„Javni poziv za dodjelu Granta podrške jedinicama lokalne samouprave za implementaciju Politike o saradnji sa iseljeništvom“.

9. Krajnji rok za podnošenje prijava

Rok za podnošenje prijava je 14 dana od dana objavljivanja Javnog poziva na web stranici ministarstva i obavijesti o objavi Javnog poziva u tri dnevna lista koji se distribuiraju na cijeloj teritoriji Bosne i Hercegovine. Nepotpune i neblagovremene prijave neće biti razmatrane.

10. Dodatne informacije

Sva dodatna pitanja u vezi Javnog poziva se mogu dostaviti putem elektronske pošte, najkasnije 7 dana do isteka roka za podnošenje projektnog prijedloga, sa jasno naznačenim nazivom Javnog poziva u predmetu poruke i to na sljedeću e-mail adresu: marijana.knezevic@mhrr.gov.ba

11. Kriteriji za vrednovanje projektnih prijedloga

Prilikom razmatranja projektnih prijedloga komisija će vrednovati sljedeće:

- a) relevantnost projekta u odnosu na ciljeve granta;
- b) kvalitet i logika projekta;
- c) budžet projekta;
- d) administrativni i finansijski kapaciteti podnosioca projektnog prijedloga;
- e) održivost projekta;
- f) dodatni kriteriji (zajednički projekti više jedinica lokalne samouprave, da je projekt jasno povezan sa lokalnim razvojim prioritetima i da projekt ima osigurano vlastito sufinansiranje).

12. Procedura i obavijest o rezultatima Javnog poziva

Odabir korisnika granta, odnosno Projektnih prijedloga vrši Komisija za odabir korisnika grant sredstava imenovana na prijedlog Ministarstva za ljudska prava i izbjeglice BiH. Komisija za odabir korisnika grant sredstava pregleda prijave u cilju eliminiranja nepotpunih i neblagovremenih prijava, nakon čega pristupa proceduri odabira korisnika granta. Nakon završene procedure iz prethodnog stava, Komisija sačinjava Prijedlog odluke o dodjeli grant sredstava, odnosno, projektnih prijedloga i dostavlja ministru za ljudska prava i izbjeglice BiH. Odluku o dodjeli grant sredstava donosi Vijeće ministara BiH na prijedlog ministra za ljudska prava i izbjeglice BiH. Ministarstvo za ljudska prava i izbjeglice BiH će obavijest o rezultatima odabira projektnih prijedloga kao i obavijesti o eventualnom odbacivanju ili odbijanju projektnih prijedloga dostaviti svim podnosiocima prijava.

13. Indikativni vremenski okvir

Predviđeni indikativni vremenski okvir za okončanje procesa zaprimanja prijava je sljedeći:

AKTIVNOST	DATUM
Objavlivanje Javnog poziva	20.11.2020. godine
Krajni rok za dodatne upite i pojašnjenja	28.11.2020. godine
Krajni rok za podnošenje prijava	04.12.2020. godine

14. Sastavni dio ovog Javnog poziva su:

- Odluka o kriterijima za dodjelu grant sredstava Ministarstva za ljudska prava i izbjeglice Bosne i Hercegovine za 2020. godinu;
- Smjernice o postupku dodjele grant sredstava Mnistarstva za ljudska prava i izbjeglice BiH;
- Obrasci od I-V i VII .